

卷五  
論述

巴黎和平  
和大會  
民族聯合會報告

即萬國聯合會俗稱國際聯盟

卷五 論述

巴黎和平  
大會  
民族聯合會報告

即萬國聯合會俗稱國際聯盟

國際聯盟

萬國聯合會

巴黎和平民族聯合會報告（俗稱國際聯盟）

民國元年春報告

卷上 論述

周緯報告

目錄

〔壹〕已過

(子) 民族聯合會之原起及其根本法案

(丑) 委員會之組織及其人物

(寅)十八次會議大事記

(卯)民族聯合會之成立

(貳)現在與將來

甲部 論述

論述

周緝報告

〔壹〕

已過

(子) 民族聯合會組織之原起及其根本法案 *Acte constitutif*

世界聯邦之學理 戰國諸儒實弭言之四海一家環  
宇大同車文書軌之盛治 蓋早縈吾華民族之  
想望矣 向戌弭兵 始皇銷械 化劍戟為農器 慶宇

宙之昇平。今日永久和平之說。夫豈異是。然以環  
居之族。文化不敵。國無比競。道義浸衰。於是具體  
之國際保和組織。華儒開其端者。歐儒乃承其後  
而擴張之。一六六二年之亨利第四。與其大臣徐札之  
永久和平組織草案。及一七一三年。僧政聖披葉  
之萬國保和草案。實為國際聯合組織之萌芽。



自時厥後英儒班當（一七八九年）德儒康特（一七

九三年）法儒盧梭（一七六一年）先後均有保和組

組之披露然迄未實行直至十九世紀末年始由

俄皇倡議召集海牙保和大會國無大小強弱皆

得與會列席議事學者謂國際組織此實為其

初步惜口血未甘俄與日戰美乃於一九〇七年召集

第二次海牙保和大會列席發言者四十四國環球

獨立之邦鉅細無遺萬族一堂羣情自<sup>望</sup>治大同之

盛非烏託邦然以時機未熟保和未成反演世界

戰爭之慘劇持反動循環之說者僉謂國際組織

之演進將受激而益烈必有世界戰爭始得世界

組織萬國<sup>民族</sup>聯合會之動機蓋即伏於歐戰之中矣

民族聯合會之結胎在遠古產生在今年成丁則  
尚無期結胎之理至明無俟贅論產生之原因複  
雜請試言之

英國國際公法家衣丁堡大學教授羅里墨氏  
*Lorimer* 曾曰（見比國國際法報）世界如經一  
次戰爭則必發生一種保和弭兵之新學說此非

特天演進化之公理，抑亦人類文明應有之情事。斯說可與深信。惟緯謂此反動之影響，當與戰爭激烈之度数為正比例。如聖披葉之保和案，係在烏特雷西特 Utrecht 和會中提出。此和會則由法英西等國之戰爭產出。又如法德之戰，中日之戰，南非之戰，均為製造海牙第一次保和會規章。

之遠因。日俄之戰既終。海牙二次保和會始行開會。推而言之。世界戰爭之後。必有世界聯合保和護法之組織。激水過鵲。突厥洗薪。事後思維。羣謀擇惠。此其理有固然者。今如就事實而論。民族聯合會之發起。實由美大總統威爾遜氏主持之。威氏富於學識。又握政柄。知行可以合一。慨然有澄清天下之志。

欲就其觀察所得出而排亂解紛消弭世變其  
十四條件與四條件之宣佈（一九一八年正月）昭  
然正義合宇歡迎實則時勢造英雄大旱作  
霖雨創深痛創<sup>鮮</sup>之民間咸氏之言而喜不知  
咸氏之意實竊載籍緒餘數百年前已有人  
詳切言之特其人無咸氏之威望耳雖然國

際保和組織係屬法治性質。威氏之原意亦係根據法理而出。惟因威氏位高望重。於是附和威氏之說者。多從政治著想。民族聯合會之組織遂墮為政治機體。夫法理定體也。其制度雖不同。而公理則不可更易。若政治則因時制宜。千變萬化。可以為善。可以為惡。執是以求。

民族聯合會雖非南轅北轍亦易為虎作倀  
識者早抱杞憂矣然此非威氏之咎也方威氏  
離美赴歐之時（一九一八年十二月）其懷抱中之民  
族聯合會儼然有保障民權弭防世亂之準  
備減此朝食氣象萬千環海從風其勢難靡  
英法知其然雖不為根本之贊助亦皆同聲呼



號表示從同、停戰時既咸以威總統之十四條  
件為根據而議和開幕時亦皆以組織民族  
聯合會為和會第一事業、豈真有愛於威氏  
哉、豈真有保和護法之至誠哉、蓋亦時勢之所  
使然耳、就內政言、法英意諸強國之壯年子弟  
累死溝壑、服喪之家以千萬計、民食缺乏啼